



UNIVERSITÄTS-
BIBLIOTHEK
PADERBORN

**Nicolai Lancicii E Societate Iesv Opvscvlorvm Spiritvalivm
Tomvs ...**

Łęczycki, Mikołaj

Antverpiae, 1650

Quomodo Christus D. post Resurrectionem suam sit excipiendus in
Paschate. Cap. XXIV.

[urn:nbn:de:hbz:466:1-78821](https://nbn-resolving.org/urn:nbn:de:hbz:466:1-78821)

ta cum in spiritu, assiste ei semper, solare instar Angeli cum in hortu confortantis paulò post resurrecturum ad gloriam corporis, propone ei tuas & tuorum necessitates, veniam pete, age gratias pro omnibus beneficiis, & sis contentus, deseri ab omnibus, & nesciri, ac nominatim pete, tibi & tuis, mortem felicem. *Primò*, vt moriaris in gratia Dei. *Secundò*, vt moriaris cum magnis meritis, quò possis Deum in cælo quàm maximè glorificare. *Tertid*, vt moriaris factò magno fructu, in quam plurimis animabus, pro quibus Christus mortuus & sepultus est. *Quartò*, vt moriaris inglorius & infamis (sine præiudicio tamen diuinæ gloriæ, & boni communis, & sine offensa Dei) sicut & Christus infami morte inter latrones, tanquam lato mortuus est. *Quind*, vt moriaris sine vlla obligatione pœnæ in purgatorio luenda. *Sextid*, vt moriaris præterea relicto ingenti thesauro satisfactorum tibi non necessitarum, pro Indulgentiis à Romano Pontifice dispensandis, in beneficium animarum à Christo Domino redemptarum. *Septid*, vt etiam post mortem Deum glorifices, illis modis quibus Deus glorificari solet per memoriam bonorum exemplorum in vita relictorum, per doctrinas aliis relictas, per scripta aliis communicata, per preces, per merita &c. tum vt ita Christo Domino Capiti tuo sis similior, qui etiam post mortem prodest nobis tot modis: tum vt hac ratione in te appareat & dilatetur per te fructus passionis eius fructuosissimæ, ob maiorem gloriam Christi Domini tui, & confusionem dæmonum, inimicorum eius.

Considera octid. Pietatem Ioseph ab Arimathea & Nicodemi, qui impetratum à Pilato corpus Domini Iesu, & ligatum linteis cum aromatis, mixtura myrrhæ & aloës, sepelierunt, eum in hortu, propinquo loco crucifixionis, in monumento nouo, in quo nondum quisquam positus fuerat. Gaude, quò inuenti sint aliqui solliciti de Christo sepeliendo, & contemptis humanis respectibus, petierunt à Pilato corpus Iesu, & liberales erga eum fuerunt, comparatis centum libris aromatum; & non in qualicumque loco eum sepelierant, sed in monumento nouo, à nullo peccatore prophanato.

Gratias eis age pro his obsequiis, in spiritu illos laudans pro hac obseruantia & pietate, & imitari stude illos in supradictis, suo modo, nunc Christum gloriosum tractando, & sine humanis respectibus, promouendo eius gloriam, & bonum animæ, tum tuæ, tum aliorum.

Lancicij Opse. Tom. 2.

CAPVT VIGESIMVMQVARTVM.

Quomodo Christus Dominus post resurrectionem est excipiendus.

Inter alios piæ deuotionis affectus, quibus bonæ mentes solent excipere Christum Dominum à mortuis resurgentem, hi quoque, si libuerit, esse possunt.

Primò. Adora Christum resuscitatum in Diuinitate eius, qua consubstantialis est Patri & Spiritui Sancto, seu, vnum quid cum Patre & Spiritu Sancto, in vna & indiuisibili natura diuina. Adora, inquam, vt Deum æternum, & Creatorem ac Dominum vniuersarum creaturarum, à quo omnes dependent in suo esse, & in omnibus operationibus suis, à quo conseruantur, protegentur, gubernantur. Adorata autem diuina eius naturâ, adora sigillatim eius diuina attributa, æternitatem, immensitatem, bonitatem, sapientiam, potentiam, impassibilitatem, independentiam ab vlla re, seu vt loquimur in scholis, *Esse à se*, & hæc omnia infinito modo infinita in eo. In particulari verd, præcipuo quodam affectu, adora eius patientiam, qua te & alios peccantes, non puniuit statim post peccata commissa, vti merebaris, sed expectauit diu ad præsentiam, item recidentem toties in similia peccata, tolerauit diu, item remisit peccata toties per absolutionem sacerdotalem; item liberauit, & plenè conuertit à multis peccatis plurimos, ne in ea deinceps relaberentur; item dedit gratiam satisfaciendi aliquo modo pro peccatis commissis; item dedit horrorem & magnam detestationem quorundam peccatorum; item dedit ratum lapsum in quâdam peccata venialia, vel nullum in aliqua. Quæ omnia sunt magna beneficia peccatoribus concessa, & merentur specialem gratitudinem, quæ hac adoratione, aliqua ex parte demonstratur, demonstranda infra, alio modo quoque, scilicet, gratiarum actione.

Secundò. Adora in hac diuinitate Christi commune diuinis personis, æternum, quo ab æterno destinauit creare tot creaturas in tempore, & tot beneficiis naturalibus eas ditare, per tot secula ad finem mundi duratura, & creaturas rationales Angelicas tam multas præseruare à peccatis omnibus, homines verd omnes redimere per Incarnationem ex Maria Virgine, & ex redemptis, tam multos sanctificare & saluare.

Tertid. Adora æternam Voluntatem Verbi, quâ decreuit assumere hypostaticè humanam naturam, & in ea, & per eam per tot annos tam multa facere, docere, & pati, pro tua & totius mundi salute, etsi benè præuideret innumeros homines suâ culpâ non vsuros his salutis remediis, quæ ille suo sanguine, denique totâ vitæ, passione ac morte nobis comparauit; & tam

multa non bene vsuros, ut possent, si uellent diuinæ gratiæ cooperari.

Quartid. Adora Christi Personam, ut est diuina & distincta à Personâ Patris & Spiritus Sancti, & à natura humana, quam sibi hypostaticè in sua Incarnatione uniuert.

Quintid. Adora eandem Christi Personam, ut unitam humanæ naturæ quam assumpsit, & ueluti Humanitate nostra teclam & uelutâ (prout SS. Patres loqui solent) & factam creaturis rationalibus aspeclabilem. Hoc est, Adora Verbum carnem factum, & habitantem in nobis, & formam serui in humanitate passibili tam diu preferentem.

Sextid. Adora Christum in assumpta naturâ tam multa passum pro te & pro aliis, discurrendo per præcipua quæ passus est, cum tamen id non fuerit necesse, quia poterat te aliter saluare sine suo incommodo, condonando tibi gratitudinem sine ulla satisfactione, peccata tua: sed ut copiosa esset redemptio tua, uoluit te emere pretio magno, sanguine & uitâ propria, pro te amissâ.

Amb. l. de
instit.
Virg. c. 2.
Lan. de
grad. perf.
cap. 9.

Nominatim autem adora Christi animam, quæ plena fuit doloribus ab instanti creationis suæ, & Incarnationis Verbi. Nam ut post S. Ambrosium ait B. Laurentius Iustinianus: *Christus à sua Redemptoris exordia, quoad usque in cruce confixus, Patri reddidit Spiritum, nunquam pati desuit: non sicut ceteri, sed incomparabiliter supra uniuersos; longe tamen efficacius in anima, quam in corpore perpassus est dolores maximos, actuales cruciatibus spirituales gladios, persecutiones ab hominibus, à suis crucibus, ab alienigenis, & à sui generis secundum carnem domesticis, & contri- bulibus: contra quos nullum inconstantia ostendit flagitium, nec acclamauit, neque contradictionis protulit uerbum, sed tanquam agnus coram tendente se obmutuit, & non aperuit os suum. Quocirca merito dixit S. Bernardus: Tota uita Christi, crux fuit & martyrium.*

l. de pass.
cap. 5.

Septimid. Adora Christi resuscitatum Corpus gloriosum, insignitum cicatricibus seu uulneribus, quæ in eo retinere uoluit, in testimonium amoris sui erga te, iis redemptum, & in demonstrationem quam libenter sit passus pro te, ut uoluerit relinquere signo eorum uulnerum, quæ ei tam aciem dolorem incusserunt, & per quæ uitæ iacturam tui causa fecit: & ut haberet semper, quæ pro te exhiberet Patri ad reconciliandum eum nobis offensum, ut ait B. Laurentius Iustinianus: *Et ut ipsum Dominum crucifixum fuisse, & neminem pro eo resurrexisse intelligeres, inquit S. Chrysostomus, & S. Cyrillus, & ut propitius eius mortis iudicis pro nobis suscepta, misericordiam Domini cantare non cessamus, ait V. Beda, & in signum perpetuæ uictoriæ inquit Beda; uulnerum cicatrices abolere noluit: Et ut salutis humanæ precium exigat, & obedientiæ donatiuum requirat, dicit S. Cyprianus.*

de trium
phali
Christi
agonæ c.
15. & 16.
Chr. h. 86.
in Ioan.
Beda in c.
24. Luc.
c. 6. de ba-
ptismo.

Octauid. Gratias ei age pro tui Redemptione petactâ, per quam es liberatus à seruitute diaboli & peccati, & à penis inferni, & repletus

tot aliis bonis, quæ in S. Ecclesia habes, ab eodem mediâte uel immediatè instituta & relicta, pro tua Sanctificatione & salute. Nominatim autem ei gratias age, pro his quæ pro te passus est in carne sua ante resurrectionem.

Nonid. Gratias ei age pro tot animabus Sanctis ex purgatorio & limbo liberatis, & beatisficâ Dei uisione donatis.

Decimid. Gratias ei age quod post resurrectionem suam te aspectandum præbuerit Sanctissimæ Matri suæ, & discipulis & aliis, eosque solatus sit, & testes suæ resurrectionis, pro stabilenda magis fide nostra reliquerit.

Undecimid. Gratias ei age pro doctrinis ab eo post resurrectionem, ante Ascensionem relictis pro instructione Ecclesiæ circa materias & formas Sacramentorum, adeo nobis necessariis ad salutem & uilium, quod tunc eum fecisse, docet S. Augustinus.

Duodecimid. Gratias ei age pro Sacramento penitentis, post suam resurrectionem, in beneficium tuum & aliorum peccatorum instituto, sine quo, (ô Deus bone) quam difficilis fuisset salus tua, & quam multo plures, quam nunc damnentur, damnarentur.

Decimotertid. Gratulare ei gloriam corporis, eiusque gloriosas dotes: claritatem, agilitatem, subtilitatem, impassibilitatem, immortalitatem.

Decimoquartid. Gratulare ei quod morte sua promeruerit sibi uariâ, scilicet, ut docet Theologi, gloriam sui corporis: impassibilitatem anime suæ seu indolentiam: resurrectionem corporis sui, & omnes dotes gloriosi corporis: triumphum suæ Ascensionis: Regiam dignitatem, & dominium supra uniuersum orbem & potestatem plenam in cælo & in terra: exaltationem nominis sui, factam per præclara de eo testimonia & encomia Prophetarum, Angelorum, & Dei ipsius: summum sacerdotium in Ecclesia sibi proprium & singulare, præstantius sacerdotis naturæ, Moisaicis, & legis nouæ: Autoritatem supremi capitis in Ecclesia: & iudiciariam potestatem, & fortè alia quæ nos nescimus, & non docuerunt Theologi.

Decimoquintid. Gratulare ei multiplicem fructum eius uitæ, passionis & mortis, in creaturas rationales Angelicas & humanas deriuatum, iuxta valde probabilem opinionem Theologorum (quoad Angelos & Adam) & iuxta cõmunem, quoad alios. Nimirum quia ob præuisa Christi merita, & Angeli omnes, & Adam, demique omnes homines, gratiam quam habuerunt ante peccatum & post (ab hominibus commissum) habuerunt, tam primam quam subsequentem, quam omnia alia gratiæ dona, item præseruationem à peccatis quæ non commiserunt, & liberationem à peccatis commissis, iustificacionem post peccata commissa, omnia augmenta gratiæ, omnia auxilia gratiæ præuenientis

ep. ad
Probam.

nientis & adiuantis, per quæ fecerunt aliquos actus supernaturales meritorios, & naturales, ordinatos ad vitam æternam vel sanctificationem hominum, & ad incrementum in ea, & profectum in virtutibus, & ad perseverandum finaliter in gratia, item gratiam sanctificantem quam conferunt Sacramenta rite suscepta, liberando aliquos à peccato originalialios à peccatis voluntariè commissis, & gratias alias sacramentales, quæ intuitu sacramentorum conferuntur hominibus: item valorem & fructum indulgentiarum: item victoriam, tentationum, consecrationem salutis æternæ: liberationem à penis purgatorij; præseruationem à penis inferni, item resurrectionem nostrorum corporum: item gratias gratis datas quibus Deus illustrat seruos suos in vita, morte & post mortem: denique ipsam gratiam prædestinationis, ex qua emanant à Deo omnia alia dona gratiæ & gloriæ, quam consequuntur tam multi electi.

Decimo sextid. Gratulare Christo innumeratum Angelorum & Animarum Sanctarum in celo choros, quod eum adorant vt caput suū, & vt largitorem & causam omnium gratiarum & bonorum quæ habent. Nam vt ait S. Bernardus: Christus qui exiit hominem lapsū, dedit stanti Angelo ne laboraret: sic illum de captiuitate eruens, sicut hunc à captiuitate defendens. Et hac ratione Dominus Iesus Christus fuit virgō, redemptor, soluens illum, & seruans istum. Liqueat ergo S. Angelis D. Christum fuisse redemptionem, sicut iustitiam, sicut sapientiam, sicut sanctificationem. Et omne quod erat Angelis, factus est nobis.

Decimo septimid. Gratulare Christo honorem lætitiæ qui ei exhibetur in cælo & extra cælum, per vniuersum orbem terrarum, ac in purgatorio & per sacrificia, & per templa, & per imagines, & per vota, & per preces, & tot aliis modis bonorum operum, quæ ab hominibus fiunt, & sicut vique ad finem mundi.

Decimo octauid. Gratias age Christo Domino, quia morte suâ nos liberauit à morte æterna, à potestate diaboli, à peccatis, & tot bonis positivis in iustificatione & post illam, ditauit & ditare non cessat. Denique gratias age pro omnibus illis beneficiis, quæ paulo ante in 15. & 16. puncto sunt commemorata.

Decimo nonid. Offer Christo resuscitato in signum gratitudinis & amoris pro beneficio Redemptionis, in se tam multa dona continente, offer inquam, in vniōne eius meritum.

Primid. Voluntatē nunquam mortalitèr peccandi.

Secundid. Voluntatē nunquam venialitèr de liberatè peccandi.

Tertid. Voluntatē nunquam indeliberata peccata venialia grauiā committendi.

Quartid. Voluntatē, quantum fieri potest,

etiam pauca indeliberata committendi, præsertim in actionibus ad diuinum cultum spectantibus.

Quintid. Offer ei tua vota religiosa, & alia si quæ habes.

Sextid. Offer ei voluntatem nil faciendi propter alium finem quàm ipsum, sine desiderio remunerationis.

Septimid. Offer ei voluntatem omnia opera beneficiendi iuxta præscriptum rectæ rationis & legum diuinarum, ac Ecclesiæ, & tui Ordinis.

Octauid. Offer voluntatem exequendi omnia bona præposita personalia, & Dei inspirationes.

Nond. Offer voluntatem eligendi semper perfectiora.

Decimid. Offer voluntatem inter res equè perfectas, eligendi eam, quæ est magis conformis eius vitæ afflictæ, & tribulatæ, & humiliatæ ab hominibus.

Vndecimid. Offer ei voluntatem semper proficiendi de bono in meliùs.

Duodecimid. Offer ei voluntatem semper amandi & beneficiendi iis, à quibus aliquid passus es, vel patieris.

Decimotertid. Offer ei voluntatem sine vllis humanis respectibus, promouendi eius gloriam & cultum, domi & foris.

Decimoquartid. Offer ei libertatem tuam omnem, vt tanquam iumentum ob amorem ipsius nihil speciosi velis eligere, nil detrectare (solum peccato excepto) sed in omnibus obedire eius vicariis, imò & aliis, in quantum licebit & decebit.

Decimoquintid. Offer ei desiderium efficax patiendi pro eius amore omnia possibilis aduersa, omnes iniurias, & si esset eius maior gloria, etiam pœnas, damnatorum, salua eius amicitia & gratia.

Vigesimid. Pete à Christo resuscitato per omnia merita vitæ passionis, & mortis eius.

Primid. Vt tibi det quam maximum fructum, & effectus suæ vitæ & passionis & mortis, quod ad fugam peccatorum, & sanctè vitendi rationem, ac proficiendi in ea, in te & in aliis quàm plurimi.

Secundid. Vt tibi det gratiam post mortem restitendi ad cælum.

Tertid. Pete eandem pro iis, à quibus aliquid passus es & patieris.

Quartid. Pete conuersionem innumerabilium infidelium, hæreticorum, Schismaticorum, hæbreorum, peccatorum, tepidorum.

Quintid. Pete Sanctæ Ecclesiæ incrementum, tum per iam dictam conuersionem malorum, tum per multiplicationem quæ maximam eximiorum Sanctorum.

Sextid. Pete liberationem animarum ex purgatorio quàm plurimarum.

Septimo. Commenda alias tuas particulares necessitates, & publicas & priuatas.

Octauo. Dic orationem illam. Anima Christi sanctifica me &c.

Nono. Conclude has deuotiones, illa pulchra oratione: Respic quaesumus Domine super hanc familiam tuam pro qua Dominus noster Iesus Christus, non dubitauit manibus tradi nocentium & crucis subire tormentum, qui tecum uiuit & regnat in unitate Spiritus Sancti Deus per omnia secula seculorum. Amen.

CAPVT VIGESIMVMQVINTVM.

De preparationibus præmittendis festo Pentecostes, ad obrinenda multa dona Spiritus Sancti.

184.

cap. 80.

Non possum meliores suadere preparationes pro personis in Spiritu prouectis, præmittendas solennitatis Pentecostes, ad obtinenda multa dona Spiritus S. quam eas, quæ habentur in vita B. M. Magdalene Pazziæ, ab ea adhibita. Cum enim die Ascensionis cogitaret de hac præparatione, abstracta à sensibus cepit loqui hoc modo: O Sancti apostoli, quando Dominus ascendit in celum, docuit vos quid facere deberetis pro recipiendo Spiritu S. Docete ergo nunc me. O pure Ioannes, & amabilis Philippe, non scietis mihi negare. Dicite mihi quale debeat esse meum cenaculum: quales operationes interna & externa, quales eleuationes meritis, in his paucis diebus.

Bonum erit ædificare cenaculum in alto. Erit cenaculum latus uerbi, in quo manendum sit in unione amoris. Qualis debet esse meus cibus, & potus spiritualis: uolo illum placidum sumere cullibet denti: considerationem operationum grandium & humillimarum quas fecit Verbum incarnatum, manendo hic nobiscum. Potus erit, sanguis qui exiit ex illis quatuor fontibus ipsius saxarum manuum & pedum: & aliquando potest iri ad illum fontem, qui habet tot canales, ipsius venerandi capitis. O amorosum Verbum, triginta tribus annis mansisti nobiscum, & ego debeo facere triginta tres actus amibilationis intra diem & noctem. Et hæc erit una operationum internarum.

Post octo dies à tua natiuitate dedisti sanguinem nobis, & ego debeo facere octies examen conscientia, intra diem & noctem: quia si anima non est bene examinata & purgata à suis defectibus, non est apta ad dandum sanguinem pro te. id est, ad se offerendam tibi in actu martyrij: & quoties faciam examen conscientia adiungam renouationem uotorum religiosorum.

Quadragesima diebus mansisti in terra, postquam à morte resurrexisti, & ego debeo intra diem & noctem quadragesies eleuare mentem meam ad te.

Septem annis fuisti in Aegypto, & ego debeo intra diem & noctem, offerre tibi sepentes illos qui sunt in te: membris peccati.

Quadragesima diebus mansisti postquam es natus,

antequam te offerres in templo, & ego debeo intra diem & noctem quadragesies offerre me tibi, in benedictum tuæ uoluntatis.

Nutrimetum spirituale erit quotidiana meditatio tua sanctissima passionis, associando illam meditationi illius ardentis amoris, cum quo incarnatus es, & humilitatis cum qua conuersatus es, & mansuetudinis, cum qua prædicasti, & latitiae cum qua exaudisti chanaanam & Samaritanam: illa non rogauit te, sed tu inuitasti eam ad petendum. Meditabor etiam illa uerba: Hic est filius meus dilectus, in quo mihi bene complacui: Cibus meus est, ut faciam uoluntatem Patris mei. Dicite à me, quia mitis sum, & humilis corde.

Duodecim annis mansisti adtequam ostenderes tuam sapientiam: duodecim actus internos amoris debeo facere erga proximum, & decem humilitatis, similiter internos. O quot se occasiones offerunt nobis istorum actuum internorum, quantæ captiuaciones intellectus & uoluntatis.

Septies debeo adorare S. S. Sacramentum, loco illorum qui illud non adorant, septies meus Christus, qui portat crucem capite inclinato pro omnibus electis.

Ter debeo dare laudem particularem Virgini Sanctissimæ, tanquam Matri & protectrici particulari omnium animarum religiosarum: ut illa concurrat particulariter auxilio suo, ad obseruantium trium uotorum religiosorum.

Et quantum plus potero, debeo præstare obsequia charitatis meo proximo, cum toto illo amore & inuiditate animi, quæ est possibilis.

Semper ero in actu custodiendi meos sensus, & ne reputer pro singulari, debeo facere hoc horis & temporibus & modis debitis: nam si ego nunquam aspicerem, aliqua posset cogitare quod habeam aliquam in dignationem cum ipse: & si nunquam responderem, darent illi occasionem suspicandi.

Ter in die reuocare in memoriam sororibus, cum quibus conuersamur, dignitatem uocationis, ad quam sumus uocati: dicendo aliquam laudem ipsius uocationis, & continuò illius recordari in meipsa.

Quoties offeratur occasio, consolari afflictos, tam in interiori quam in exteriori: & in consolatione cuiusuis rei, debeo manere in continuo actu charitatis, & custodire cor.

Oprimi sunt isti actus: sed meo iudicio, non sunt pro iis qui in uia purgatiua adhuc & illuminatiua uersantur, nec cor habent mundatum à peccatis deliberatis frequentibus, & inordinatis passionum motibus non refrænatis, sed eos promittentibus insolescere, etsi ad peccatum aliud non producerent.

Sed sunt pro iis qui sunt in uia uitiua & raro peccant & nunquam grauiter & deliberatè Deum offendunt, uti erat ista sancta, quæ pro se, iuxta statum suum perfectissimum, hos actus Deo inspirante elicere proposuit.

Ponam ergo ego alios actus pro tyronibus, & qui adhuc trictantur cum uitiis & concupiscentiis, in iisque sæpe succumbunt.

Prima ergo & fundamentalis præparatio ad

exci-